

XEFAURA DE ÁREA DE
BENESTAR SOCIAL

CONCELLERÍA ÁREA DE
GOBERNO POLÍTICA SOCIAL
E TURISMO

CONCELLO
DE VIGO



Exp. n.º 262327/301 (2024)

ADDENDA 6 «CONVENIO DE COLABORACIÓN ENTRE A CONCELLERÍA DE POLÍTICA DE BENESTAR SOCIAL DO CONCELLO DE VIGO E A “FUNDACIÓN PROVINCIAL BANCO DE ALIMENTOS DE VIGO” (2022 – 2025)».

En Vigo, na data da sinatura electrónica

COMPARECEN

Dunha parte,

A Concelleira da Área de goberno de Política Social e Turismo do Concello de Vigo, D^a Yolanda Aguiar Castro, asistida pola Secretaria de Goberno local, D^a Susana Gallardo Fariña.

Doutra parte,

D. Iván Martínez de Santiago, con DNI n.º 36.020.534-G, Presidente da «Fundación Provincial Banco de Alimentos de Vigo», NIF n.º G-36899375, con enderezo para os efectos de notificación na Avda. Alcalde Lavadores n.º 102, CP 36214 Vigo.

INTERVEÑEN

D^a. Yolanda Aguiar Castro, na súa condición de Concelleira da Área de goberno de Política Social e Turismo do Concello de Vigo, de acordo coas Resolucións da Alcaldía – Presidencia de estruturación dos servizos corporativos do Concello de Vigo e delegación de competencias, xenéricas e específicas, nos/as concelleiros/as (2023-2027) e, en particular, coa Resolución do 30.06.2023 de delegación de competencias na Área de Goberno de Política Social e Turismo (BOPPO n.º 136, do 14.07.2023).

D. Iván Martínez de Santiago, actuando en representación da «Fundación Provincial Banco de Alimentos de Vigo», segundo así resulta dos seus estatutos e da documentación achegada ó expediente (acordo do Padroado da Fundación do 21.06.2021), asegurando o comparecente que tales facultades non lle foron revogadas.

D^a. Susana Gallardo Fariña, Secretaria de Goberno local, ós meros efectos de asistencia á Sra. Concelleira delegada e dación da fe pública no outorgamento do presente documento.

As/os comparecentes, no concepto en que interveñen, recoñécense recíprocamente a lexitimación e a capacidade legal necesaria para o outorgamento e formalización da presente Addenda e, como antecedentes e motivación deste acordo de vontades,

Páxina | 1



Copia do documento - Concello de Vigo
262327-301

Data impresión: 29/02/2024 11:58 Páxina 1 de 3
CSV: AAA144-2AA741-AA33C1-63AF5Q-JFLJJS-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

XEFAURA DE ÁREA DE
BENESTAR SOCIAL

CONCELLERÍA ÁREA DE
GOBERNO POLÍTICA SOCIAL
E TURISMO

CONCELLO
DE VIGO



EXPOÑEN

I. O 23.06.2022 foi asinado polas partes o «CONVENIO DE COLABORACIÓN ENTRE A CONCELLERÍA DE POLÍTICA DE BENESTAR SOCIAL DO CONCELLO DE VIGO E A “FUNDACIÓN PROVINCIAL BANCO DE ALIMENTOS DE VIGO” (2022 – 2025)», aprobado previamente na sesión ordinaria da Xunta de Goberno Local do 16.06.2022 (Exp. nº 234248/301).

II. O obxecto dese Convenio de colaboración era a regulación dos termos da concesión da subvención directa prevista nominativamente nos orzamentos xerais do Concello de Vigo a favor da «Fundación Provincial Banco de Alimentos de Vigo», que se comprometeu a colaborar coa Concellería de Política Social na atención inmediata ás persoas en situación ou risco de exclusión social, facilitándolles ás entidades e centros específicos os alimentos necesarios para tentar cubrir as necesidades básicas daquelas.

III. Na súa Estipulación Segunda estableceuse o seguinte:

«O Concello de Vigo, pola súa parte, comprométese a conceder directamente á «Fundación Provincial Banco de Alimentos de Vigo» unha subvención para cada un dos exercicios de 2022, 2023, 2024 e 2025 por importe de 83.000€/ano; en total, polo periodo de vixencia do Convenio: 332.000€. O gasto correspondente a 2022 imputarase á aplicación orzamentaria nº 2310.489.00.13 (“Fundación Provincial Banco de Alimentos de Vigo”). As achegas correspondentes a futuros exercicios (2023, 2024 e 2025) estarán condicionadas ó cumprimento dos obxectivos propostos e á existencia de crédito adecuado e suficiente nos correspondentes orzamentos municipais».

IV. Con todo, nos orzamentos anuais para o exercicio de 2024, aprobados definitivamente polo Pleno do Concello de Vigo en sesión do 27.12.2023 (Exp. nº 80/142; BOPPO nº 249, do 29.12.2023), figura consignado, na aplicación orzamentaria nº 2310.489.00.13 – “FUNDACIÓN PROVINCIAL BANCO DE ALIMENTOS DE VIGO”, un importe de 120.000,00€, polo que resulta preciso proceder, mediante esta Addenda, á modificación daquela Estipulación do Convenio.

V. En efecto, a teor do previsto na súa Estipulación Décimo Terceira: «Calquera alteración do contido deste Convenio precisará do acordo das partes asinantes e da autorización municipal do órgano competente e se intrumentará mediante a correspondente Addenda».

Tendo en conta o anteriormente exposto as partes,

ACORDAN

«PRIMEIRO: Modificar a Estipulación Segunda do «CONVENIO DE COLABORACIÓN ENTRE A CONCELLERÍA DE POLÍTICA DE BENESTAR SOCIAL DO CONCELLO DE VIGO E A “FUNDACIÓN PROVINCIAL BANCO DE ALIMENTOS DE VIGO” (2022 – 2025)», que quedará coa seguinte redacción:

«O Concello de Vigo, pola súa parte, comprométese a conceder directamente á «Fundación Provincial Banco de Alimentos de Vigo» unha subvención para os exercicios de 2024 e 2025 por importe total de 240.000,00€ (120.000,00€/ano). O gasto para o exercicio de 2024 (120.000,00€) imputarase á aplicación orzamentaria nº 2310.489.00.13 – “FUNDACIÓN PROVINCIAL BANCO DE ALIMENTOS DE VIGO”. A achega prevista para o exercicio de 2025 (último ano de



Copia do documento - Concello de Vigo
262327-301

Data impresión: 29/02/2024 11:58

Páxina 2 de 3

CSV: AAA144-2AA741-AA33C1-63AF5Q-JFLJJS-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

XEFATURA DE ÁREA DE
BENESTAR SOCIAL

CONCELLERÍA ÁREA DE
GOBERNO POLÍTICA SOCIAL
E TURISMO

CONCELLO
DE VIGO



vixencia do Convenio), outros 120.000,00€, estará condicionada ó cumprimento dos obxectivos propostos e á existencia de crédito adecuado e suficiente nos correspondentes orzamentos municipais».

SEGUNDO: O réxime de pagamentos será semellante ó establecido na Estipulación Cuarta do Convenio subscrito en 2022 entre a *Concellería de Política de Benestar Social* e a «Fundación Provincial Banco de Alimentos de Vigo», pagándose o 50% (60.000,00€) logo da asinatura da Addenda e previa presentación do proxecto para o exercicio en curso e a Memoria anual completa do anterior e o 50% restante (60.000,00€) unha vez xustificadas os gastos realizados ata o 01 de novembro do correspondente exercicio. Para poder realizar o pagamento anticipado previsto será necesario que a entidade presente unha declaración responsable de que non está incurso en ningunha das prohibicións e/ou circunstancias indicadas no Art. 34.4 pfo. 3º da L.38/2003, do 17 de novembro, xeral de subvencións, como impeditivas para a realización de pagamentos anticipados a beneficiarios de subvencións.

TERCEIRO: A presente Addenda estará en vigor durante a vixencia que resta do Convenio».

E en proba de conformidade, as partes asinan esta Addenda, por duplicado exemplar, na data expresada no encabezamento, de todo o que eu, como Secretaria de Goberno local, dou fe.

POLO CONCELLO DE VIGO
A CONCELEIRA DA ÁREA DE GOBERNO DE POLÍTICA SOCIAL E TURISMO,
Asdo.: Yolanda Aguiar Castro

Perante mín,
A SECRETARIA DE GOBERNO LOCAL,
Asdo.: Susana Gallardo Fariña

POLA «FUNDACIÓN PROVINCIAL
BANCO DE ALIMENTOS DE VIGO»,
Asdo.: Iván Martínez de Santiago



Copia do documento - Concello de Vigo	Data impresión: 29/02/2024 11:58	Página 3 de 3
262327-301	CSV: AAA144-2AA741-AA33C1-63AF5Q-JFLJJS-FD	

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>